

# Aen Yenzdan Neix, Raeuz Dwg Yienghneix Gvaq

## 这个元旦，我们这样过

Vah boubien: Bimoq daeuj daengz, gij fwnhveiz coux bimoq gak dieg Gvangjsih gig naekna. Vunzlai aeu lai cungj fuengsik angqcoux Yenzdan, lumjbaenz cuengq ienva yienj siujbinj eu fwen diuq foux yawj langhbaij, caemh miz vunz lij roengzrengz guhhong dem. Lajneix, raeuz caez bae yawjyawj daihgya dwg baenzlawz gvaq ba.



▲ 1 nyied 1 hauh, Mungzsanh Yen Yayiz Yauzcuz Yangh guh hozdung biujyienj vwnzva leih minz bi 2024 Yenzdan. Siujbinj youh ndei youh mizyinx, fwen rwenz raeuh, foux ndei yawj, lajdaiz vunzvunz bekwngz hemq ndei. Beix-nuengx gak minzcuz naj hai naj riu, angqcoux bimoq daeuj daengz.  
(Gyangh Yungiluz/江永录 Vangz Siujlingz/黄小玲 Moz Yajlinz/莫雅麟)



▲ Bi' gvaq 12 nyied 31 hauh, youq Lungzswng Gak Cuz Swciyen Lungciz Cin Mbanjbingzan, saek fanh aen daeng lumj bogfeiz nei ciuq rongh nazmbaeklae Lungciz. Ienva gwnz mbwn caeuq nazmbaeklae ranzmbanj camca doxingj, veh ok mbaw doz doengxhaemh lajmbanj gyaundeideu. Neix yinx le haujlai hekyouz daeuj guhcaemz ingjsiengq, angqcoux ciet ndei Yenzdan.  
(Banh Cisiengz/潘志祥 Banh Veihsiengz/潘辉翔)



◀ Ngoenzgyaj Yenzdan, youq aen dieghong goengcingz hanghmoeg geiz daih' it laeng diuz Goengloh Gauhsuz Yungz Cungz, gyoengq vunz guhhong youq ngoenzciet lij guh dwk nyaengq-foedfoed, caenhrengz doi-caenh goengcingz.  
(Lungz Linzci/龙林智)

▲ Aen gyaj Yenzdan ngoenz daih' it, Aen Gohgi' gvanj Sanh-gyangh Dungcuz Swciyen hai dou hawj vunzlai yawj langhbaij. Lwghag caeuq boublaux Mbanjdung bae ndaw gvanj damqra gij mimiz gohyoz, daejniemh yienghndei gohgi, angq gvaq ngoenzgyaj Yenzdan.  
(Gungh Bujganh/龚普康 Liengz Siumingz/梁秀明)

